

Կանանց զգեստի էական մասերն են՝ հալավը, փոխանը, արխալուղը, մին-  
քանան, ֆնիլը, կօտին, կնիլպան և ֆոլը:

1. Հալավ: Անմիջապես մարմնի վրա հագնում են լայն և երկար, մինչև  
ոտի երեսը հասնող շապիկը՝ հալավը, որը կարում են կարմիր գույն ունեցող  
կտորից՝ մանուղվարուց կամ շթից: Կարմիր գույնը պաշտպանական գույն է:  
Հայտնի է, որ հնուց, դեռևս բրոնզի դարերում, սովորություն է եղել դիակը  
և նույնիսկ գերեզմանի պատերը ծածկել կարմիր ներկով, որը պիտի պաշտ-  
պաններ շար ոգիների մերձենալուց: Հարուստներն ընտրում էին բաց կարմրա-  
գույն մետաքսե, դրէյի կտոր: Բայց և համեմատաբար չբավորները շապիկի  
երևացող, շան-շար մասերն, այն է՝ կուրծքը մինչև գոտկատեղին և քելֆէրի  
ծայրերը, մի կէղ՝ թիզ երկարությունը կարում էին դրէյից: Կրծքի կտրվածքի  
եզրերին կարում էին բալթա, հարուստները գառ բալթա, դայթանի վրա փա-  
թաթած արծաթե ոլորած թել՝ կլապիտոն, երբեմն էլ ասեղնագործում էին  
գունավոր թելերով: Վիզը՝ օձիքը կոճկվում էր առջևից և ունենում մեկ կամ  
երկու կոճակ, արծաթե կամ ոսկե:

2. Փոխանը լինում էր միշտ երկտակ՝ ըրկու տակ. կարում էին մինչև  
ծնկները կարմիր մանուղվարի, իսկ ներքև, մինչև փոզկի բէրանը, դրէյի աս-  
տաղը՝ տանը գործած և ավելի հաստ պէմբակէ շէլէ կտորից: Այս դեպքումն  
էլ գերազասություն էր տրվում կարմիր գույնին: Փոխանը լինում էր լայն և  
երկար, հասնում էր մինչև թոփուղը՝ կոճը: Վերին մասը 4 սմ լայնությամբ  
ծավրում էր խօնջան գցելու համար և կոչվում էր խօնջանադարց՝ դարձ: Խօն-  
ջանը՝ բամբակե կամ բրդե, գործում էին խօնջանատօրֆի վրա, ծայրերին  
սարքում էին փրնջեր: Հանգուստում էին առջևից, ինչպես տղամարդիկ:

3. Արխալուղը հագնում էին հալավի վրա: Նա երկար էր և իջնում էր  
մինչև ոտքի կոճերը, ծածկելով փոխանը: Կարվում էր մեծ մասամբ կարմիր  
կամ կանաչ գույնի կտորից գնվու մախմուրից՝ թավշից, մարինօսից, բրդից՝  
բուրսից՝ մետաքսից, անտիկ մօրէյից, գառ խառայից: Կոչվում էր նաև ըրէֆ՝  
փէշկանի (երեք), քանի որ գօտկատէղից ներքև աջ և ձախ կողմերից  
ունեն մի-մի կտրվածք և այդպիսով ստացվում էին երեք փէշկեր: Ետևի փէշկի  
լայնությունը հավասար էր առջևի երկու փէշկերի լայնությանը միասին:  
Կուրծքը՝ յախան, եռանկյունաձև բացված էր: Ամբողջ արխալուղի, բացի  
վզից, ինչպես և կրծքի բացվածքի և կողքերի կտրվածքների եզրերին կարում  
էին 4—6 սմ լայնությամբ մի ֆօբա<sup>3</sup> նեղ կտոր կամ ժապավեն: Եթե ար-  
խալուղը կարմիր գույնի էր, կարվում էր կանաչ ֆօբա, և ընդհակառակը: Պոր-  
տի մոտ կոճկվում էր կամ մի հատ արծաթե կոճակով, որը լինում էր 15—20  
կոպեկանոց դրամ օնկն արած՝ ունկն արած, տակից կանթ լրհեմած, և դայ-  
թանից շինած մէրավ՝ մայրով, օղով, կամ շորս արծաթե մանեթանոցներից  
կազմված շափրատալ: Արխալուղի մեջ ամառ-ձմեռ դրվում էր բամբակե  
բարակ շերտ, որն աստառի հետ շուլավում՝ մթելվում էր, որպեսզի բամբակը  
չթափփի: Թէվֆէրն երկար էին, ներսի կողմից արմունկից մինչև քաթը կտր-  
ված: Այս կտրվածքների արտաքին եզրերին կարում էին արծաթե. կամ ոս-  
կե թիվթիշի, շիֆթիշի՝ կոճակներ, պուժուժներ<sup>4</sup> կամ դուզմաներ, 6—12 հատ<sup>5</sup>,

<sup>3</sup> Кайма.

<sup>4</sup> Արծաթե բոժոժ. բիզ-բիզ թթով, երեսը կօկիկ՝ հարթ:

<sup>5</sup> Տե՛ս 117 էջի 6-րդ ծանոթագրությունը: